



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Christ. Francisci Paullini, Ferrariâ-Thuringi, Rerum Et
Antiquitatum Germanicarum Syntagma**

Paullini, Christian Franz

Francofvrti ad Moenvm, 1698

LVI. Johannes I.

urn:nbn:de:hbz:466:1-44860

cum familiis suis. Moritur AD. MCCCLIII. VII. Id. Septembr. Prælaturæ XL. Jacet in oratorio, quod exstruxerat.

LIII. HENRICUS VII.

LIII. Hen-
ric. VII.

E familia Craluk, electus AD. MCCCLIII. in discordia concorditer. Anno sequente bellum habuit cum *Henrico de Henneberg*, propter castrum *Werberg*. Vicit tamen & devicit Comitem castrumque AD. MCCCLIX. *Otto*, Landgravius de Hassia, *Hunevelt* clam cepерat, Abbas verò cum adjutoribus suis mox recuperavit. (i) Post triennium pax facta, Sic *Rostorf* Ecclesie Fuldensi redditur. Occupavit etiam *Borck* in Hassia. Anno præcedente *Carolus IV. Imp.* confirmabat ei jus & titulum *Archi-Cancellarii Imperaticis*. Non dedit *Carolus*, sed confirmavit. Dic enim ante Eum habuerant. Dedit Ecclesie suæ mitram perlis & gemmis præfulgentem, & baculuni purè argenteum multi valoris AD. MCCCLXIV. pestilentia occidit multos etiam in Fulde. Moritur AD. MCCCLXXII. XV. Kal. Jun. Prælaturæ XIX. Jacet in monte B. Virginis.

LIV. CONRADUS IV.

LIV. Con-
rad. IV.

E familia Comitum de Hanovia, Professus Fuldensis, bellum magis quam pacem, amabat, avarus & rixosus horro. Cum Stelligerorum Societas, (k) sub *Ostone de Brunswick* cœpta, in Buchonia multum graftaretur, & cives & rustici se associarent, multa passus est *Conradus*, qui verò securitatis ergo se contulit in *Spangenberg*. Sed malitiosi Stelligeri eum insequebantur, & in janua camerae suæ stantem violenter necarunt AD. MCCCLXXXII. Prælaturæ X.

LV. FRIDERICUS.

LV. Friede-
rus.

E familia Romrod, natione Buchonius, Professus Fuldensis: Ministeriales de Buchenau cum adjutorio Landgravii de Hassia *Fuldam* mirè affligunt & vexant usque ad interitum. Debita Ecclesie debitum aliis cumulavit. *Hamelburgum* ab Episcopo in *Wurzburg* obfessum, & *Popenhusen* victum est. Moritur AD. MCCCXCV. Prælaturæ XII.

LVI. JOHANNES I.

LVI. Jo-
hannes I.

E familia de Merlaue, natione Buchonius. Multa debita à multis temporibus coacervaverat Ecclesia, & insuper ab omni latere vexabatur (Ooo) &

(i) Dic certib[us] Brov[us]. L. IV. p. 323. quos tamen Fabric. l. c. p. 155. socios Landgravii facit. (k) Vid. hist. de Landgrav. Thuring. c. 119.

& diripiiebatur, ut planè nesciret *Johannes*, quò se verteret. Is tamen ponens in D^ei auxilio spem & fortitudinem suam, suos fortiter defendit. AD. MCCCCIII. *Balthasar*, Landgravus Doringia^e, acquirit sibi castrum Gerstingen. AD. MCCCCXIV. erat in Concilio Constantiens^e magna cum autoritate & uita. Patres congregati audientes de insigni bibliotheca Fuldensi, rara aliquot volumina M^{Sta} acceperunt ex ea, secumque asportarunt cum detrimento Monastixi. AD. MCCCCXCVIII. *Bonifacius* Papa IX. licentiam dederat feminis in templum Fuldense maius ingredi, quod ante hoc tempus inauditum erat. Sed mox exustum est templum à fulmine. Nemo tamen hanc temeritatem Papæ corriger voluit. Ei*ter etiam* fecit *Johannes* campanam majorem, *O^sanna* dictam. AD. MCCCC. Brackenau ex praesentissimo hostium periculo mirabiliter liberatur. AD. MCCCCXX. Capitulum fuit *Fulde*, à Sacro Ordine nostro indicatum. Reformavit utiliter, multa paravit ornamenta & vasa ecclesiastica, reparavit ædificia ruinosa, & in cunctis bene prospexit Ecclesia suæ. Senex nunc & debilis cum consensu Fratrum Coadjutorem sumisit *Hermannum de Buchenavia*. At pediculos posuit in togam suam. Mox enim optimum Senem ex nova arce Sede pellebat sua in villam Ottershusen, ipse interim in omnibus dominatus est securè & superbè. Ad partes suas traxerat *Hermannus Maguntinum Contradum*, & propinquos suos, aliosque, *Johannes* vero Landgravium Doringia^e, & fortuna mutavit vela sua. Pax tandem facta per Legatum Apostolicum. Solus ergo *Johannes* operâ Ludovicⁱ, Landgravii Doringia^e, restitutus, præfuit postea annos aliquot inter utramque fortunam laudabilis Pater. Meritur AD. MCCCCXL. Prælaturæ XLV.

LVII.

Hermann.

II.

LVII. HERMANNUS II.

E familia de *Buchenovia*, Præpositus *S. Johannis*, & olim Coadjutor electus, primo statim Prælaturæ anno Marcham *Wedderaviam* Comitibus de *Nassav* primò oppignoravit, deinde summo cum Ecclesia damno vendidit. Voluit id quidem postea aliqualiter restituere, & fratribus è memoria evellere, dum disciplinam monasticam apud *S. Johannem* introduceret, istudque monasterium ædificiis, possessionibus aliquot & piscinis ornaret & dotaret. Sed non erat æquivalentia. Moritur AD. MCCCCXLIX. Prælaturæ suæ infeliciis IX. Jacet in eodem Monasterio *S. Johannis*.

LVIII.

Reinhart.

LVIII. REINHARTUS.

E familia Comitum de *Wiltav*, omnium votis eligitur AD. Mccccxxix.